

آنادولو مجموعه سی

صافی ۳۳

دوقنور رضا نور

تورك شعرينك شكلى و آدلى

مكرمى خليل

ملى تارىخچىك موضوعى

علمى ضيا

قاف داغى

ابراهيم حقى

آنادولو اقليلى

شراب الدين

قوتيه ده يشىل قبه

محمد امين

صوك هيئت علميه

نجيب فاضل

بر حكايه

اسماعيل نامى

كچن قىز

نجيب فاضل

داغلى و كور اوغلى

آبك ايزلى : آنادولو انقلابى - آنادولو قاديلى - موصل - بروظيفه نك اخطارى

بونسخده تربه حضرت مولانا به عائد اوچ رسم واددر .

ناشرى : آنادولو قومانييت نشرىات شركتى

تورك شعرينك شكلى وادلرى

« ايسه كلى » كىدى ده صاواش قورولدى
 هايدك آرقداشلر بوكون اوڭ [شرف] كوفى
 آچ آرسلانلر بوز قورت كېي دوزولدى
 عشيرتك سىير ايدك جنكى

چالاك اوزنكى يى آتلر خارلاسون
 قوچ يىكتلر قىزسون ، تنلر ترلهسون
 قارغىلر اويناسون ، قىليچ پارلاسون
 دشمن دهشتندن آلسون دنكى

بوقوشمەنك وزنى آياقلى اولمايوب سەزور [بوكا دورغودىورم] لى و ۶ + ۵ = ۱۱
 طرزنده در . بومقاله ده بو قادارله اکتفا ايدىيورم . ديش ، بوزلاق ، مانى ، الخ ...
 بو طرزده تدقيق ايدلمشدر .
 درقنور رضا نور

	آنادولونانمىچى	
---	---	---

ملى تاريخمىزك موضوعى

۲

آنادولوده تام و مستقل بر تورك و طتك تشكىل ايتدىكى سلجوقى دورى آنادولو
 مدنيتنى حقيقتاً تمثيل ايدن بر دوردر . ذوقيله ، صنعتيله ، ذكاسيله ، بوتون مدنيتيله
 بر احتشام منظرهسى كوستردن بوتارمىچى دورى بللى باشلى بر قاچ فصله آيرابيليرز :
 ۱ . — آنادولويه مهاجرت و فتح زمانى : ۴۱۰ دن ۴۷۲ يه قدر .

۲ . — آنادولوده سلطنت و بونك دوننده دره بىكلرك تشكىل ايتدىكى ، آنادولونك
 بر عصر خارجى دشمانلرله اوغراشدىنى زمان : ۴۷۲ دن ۵۸۸ سنه سنه قدر .
 ۳ . — آنادولوده وحدت ، مركزيت ، صلح و سكون و مدنيت زمانى : ۵۸۸ دن
 ۶۵۴ . قدر .

۴ . — آنادولو سلطنتك . سقولى . و خارجى دشمن استىلاسى زمانى : ۶۵۴ دن ۷۰۷ يه
 قدر .

آنادولوده بو بويوك دوردن صوكرا طوائف ملوك دورى باشلار .

طوائف ملوک دوری . — آنادولو سلطنتی ایکی بوجوق عصر دوام ایتدکن صوکر موغوللرک استیلاسنه اوغرایه رق منقرض اولدی ؛ بوتون غرب عالمک قوتلرینی پریشان ایدن ، آوروپانک اذ ذی قدرت ایمپراطورلرینی ، قراللرینی مغلوب ایدن آنادولو تورکی ایلک دفعه غلبه یی غائب ایتمش و ییانبجی بر عرقک حاکمیتی آلتنه کیرمشدی . بومغلوبیت آنادولو دولتنک داخلی تفسخندن ایلری کلیوردی . یوقسه جرمنه ولاتین تشکیلات عسکریه سنک اذ متکامل اولدینی قرون وسطانک شجاعت فارسانه عصرلرنده بیله بواقوامک آنادولوده اوغرامش اولدقلری هزیمتلی کوردیکمز زمان آنادولو تورکنک مغول کوچهلرینی هیچه صایه جغنی استدلال ایده رز . فقط مغول استیلاسی صیرالنده آنادولو سلطنتک تشکیلاتی تفسخه یوز طومتش ، بوتون آوروپا عالمی قهر ایدن آنادولو بکلرینک اولادی ایش باشندن اوزاقلاشدیرلش ، پادشاهلرک سیرایی مملکتله هیچ برعلاقه سی اولیان سرسریلر وکوله لکدن یتشمش آدملرله محاط اولمش ، حکومته قارشى عمومی بر نفرت وجوده کلشدی . تشکیلات عسکریه مزده عینی سیدن دولایی بوزولمشدی . مغوللر بوندن دولایی غالب کلدیلر . بونکله برابر — باشقه ایمپراطورلقلری بر حله ده ییقدقلری حالده — آنادولوده یارم عصر مقاومته معروض قالدیلر .

آنادولو سلطنتی بر مدت مغوللر حمایه سنده قالدی . آنادولو سلاطینی — فرصت بولدقه — مملکتی دوشمان تحکمندن قورتارمق ایسته یورلردی ، مغوللر آنادولوده کی حاکمیتلرینی امین بر حاله کتیره بیلیمک ایچون سلجوقی خاندانی اورتهدن قالدیروب دوغریدن دوغرییه والی عمومیلر کوندزمکه باشلادیلر . آنادولو داخلمده کی استقلال حرکتی و ملی جریایی سوندورمک ایچون یوز بیکه یاقین تاتار و مغول عسکرینی مملکت مزده یرلشدیردیلر . آنادولوده دوشمانلره قارشى دائما عصیان چقیور ، فقط عقامته محکوم اولیوردی . کوچه تورکنلر هر یرده مغوللره مقاومت ایدیورلردی . بالخاصه طاغلق مناطقه کی تورکنلر مغوللری تولدیرییورلردی . قرامان اوغللری آنادولونک استقلالنی قورتارمق ایچون اورتایه آتیلمشلردی . غربی و جنوبی آنادولو ، تورکمن بکلری یدنده ؛ مرکزی و شرقی آنادولو ایسه مغول والیلری اداره سنده ایدی . مغول ایمپرا- طورانک ۷۳۶ ده سقوطندن صوکر آنادولو بکلری مغول اداره سنه نهایت ویرمکه استقلال ملییی تکرار قازانمیه ، مملکتی و ملی اسارتدن قورتارمیه موفق اولدیلر . آنادولو ؛ مغول حاکمیتی دورنده چوق فضله خراب اولمش ، آل سلجوق زماننده فوق العاده معمور و زنبکین ایکن بالاخره فقیرلشمش ، یانوب ییقلمشدی . مغوللرک

طرزندن صوکر آنادولونک ہر طرفی بڑک طرفندن اشغال ایدلمشدی . بوبکر عسیرتلیری ضبط ایتدکلی مملکتلرہ یرلشدیرمشلر بولندقلری یرلردہ ادعای حکومتہ باشلامشلردی . ہپسی دہ آل سلچوقہ وارث اولق و آنادولوی منحصرآ ضبط ایتک آرزوسندہ ایدیلر . بوصورتلہ آنادولودہ بدایہ اوتوزہ یاقین درہ بکلک تشکل ایتدی . فقط بالآخرہ باشلیجہ غریبدہ عثمانلی ، مرکززدہ قرامانلی ، جنوبدہ ذوالقادرلی ، شمالدہ جندارلی ، شرقدہ آق قیونلی امارتلی وجودہ کلدی . بونلر بربرلیلہ مجادلہ یه کیریشدیلر . بومجادلہ آنادولوی بوتون بوتون خرابی یه سوق ایتدی . بونلرک ایچندہ بالخاصہ ایکیسى فوق العادہ کسب قوت ایتدیلر . شرقدہ (دیار بکر) مدینہ سنی مرکز اتحاد ایدن آق قیونلی خاندانی بوتون قافقاسیہ یی ، ایرانی ضبط ایتدیکی کبی غریبدہ بروسہ شہری مقرر حکومت یاپان عثمان اوغللری دہ طونہ یه قدر بوتون روم ایلی بی فتح ایشلردی . آنادولونک شرقندن وغربندن دوغان بوایکی حکومتک آنادولو اتحادی وجودہ کتیرمک ایچون یکدیبرلریلہ مجادلہ ایدہ جکلری آشکار ایدی . بومجادلہ وقوعہ کلدی . فراتدن اعتبارآ شرقی آنادولو آق قیونیلر ، بری طرف عثمانیلر الندہ قالمق اوزرہ آنادولو قطعہ سنی ایکی دولت الندہ انقسام ایتدی . قرامان وجندار اوغللری حکومتلری بومجادلہ صیرالرنده اورتہ دن قالمشلردی . فقط ہر ایکی بویوک حکومت دہ مرکز حکومتلری آنادولونک ایچندن قالدیرہ رق باشقہ طرفلہ کوتورمشلردی . عثمان اوغللری پاتختلری استانبولہ ، آق قیونیلردہ تبریزہ نقل ایتشلردی .

آق قیونلی خاندانک سقوطی متعاقب شرقی آنادولو شاہ اسماعیلک تحت ادارہ سنہ کچدیسدہ عثمان اوغلو یاووز سلطان سلیم شاہی مغلوب ایدہ رک بوحوالی یی استردادہ موفق اولدی . بعدہ ذوالقادرلی حکومتی اورتہ دن قالدیرہ رق جنوبی آنادولوی دہ آلدی آنادولو اتحادی وجودہ کتیردی . آل سلچوق دورندہ بدولت الندہ بولنان آنادولو قطعہ سنی یه بدولتہ تابع اولدی .

آل سلچوقک سقوطندن یاووزک آنادولو اتحادی اچک ایتدیکی ۹۲۱ سنہ سنہ قدر اولان ۲۱۴ سنہ لک بو اوزون دورہ یه (دور فترت) نامی ویرمک پک موافق اولور . بدورہ نک اک بلای باشلی اوضافی شونلردر :

اولا : کوچہ عسیرتلیک مغوللرہ مقاومت وغلبہ ایتلری نتیجہ سنی اولہ رق شہرلرہ یرلشمش اولملری و آنادولودہ یک یکی مدینہ لر ، بربرلیلہ تفوق داعیہ سنہ دوشن شہرلرک تشکل ایتش اولسی .

بو شهرلر ؛ غربده بروسه ، مغنيسا ، کوتاهیه ، مرکزده لارنده یعنی قرامان ، البستان ، شمالده قسطنیونی ، شرقده دیار بکر .

بوسیله آنادولونک مرکزی اولان (قونیه) نك مرکز لکنی غائب ایتیمی آنادولو وحدتنک پارچه لانیسی و مختلف دولتلرک تأسس ایتیش اولماسی .

ثانیاً : بو مختلف دولتلرک طرز اداره و سیاستلرینک بر برینه بکزمه می .

ثالثاً : مغول استیلانک آنادولوده بویوک برانته دینی و ملی وجوده کتیرمش اولسی ، بوسیله آنادولوده عربدن و ایراندن کلن طریقتلر رینه ملی طریقتلر تأسس ایتیش اولسی ، اوزمانه قدر یالکز خلق لسانی اوله رق قالان تورکجه نك ادبیات ، علم و دولت لسانی حالنه کلی .

رابعاً : آنادولوده وقوعه کلن دینی و ملی انتباه نتیجه سنده فتوحات واستیلا آرزولرینک قوتلنمی و ملکارک شرقدن ، غربدن ، جنوبدن وطن خارچنده فتوحانه باشلاملری . آل سلجوق دورنده وطن خارچنده مملکتلر فتح ایلک آرزولردن زیاده آنادولو وحدتنک ادامه سی ، مملکت معموریتک آرتدیرلمه سی اهالینک ترفیعی ، خلاصه آنادولو خارچنه کوز دیکلمه می و فتوحات آرزولری اوغرنده قان دوکوله می قناعتی چوق قوتلی ایدی . حالبوکه بودورده افکار عمومیه یالکز فتوحات امملری ایله مشیوع اولدی . آنادولو تاریخنده طوائف ملوک دوره سی ده برقاچ زمانه آیرمق ممکندر :

۱ — مغول حاکمیتی زمانی و آنادولونک مغول حاکمیتدن قورتولمق ایچون مجادله ایتدیکی دور دیگر بر تعبیر ایله استقلال و استخلاص مجاهده سی دوری ۷۰۷ دن ۷۴۰ سنه سنه قدر .

۲ — قرامان و ارتنا خاندانلرینک تفوقلری زمانی ۷۴۰ دن ۸۰۰ سنه سنه قدر .

۳ — عثمان اوغوللرینک تفوق و بونلرله قرامان اوغوللری آره سنده کی رقابت دوره سی . ۸۰۰ دن ۸۶۰ سنه سنه قدر .

۴ — آق قیونلی و عثمانلی خاندانلری آره سنده آنادولونک تقسیمی و هر ایکی عائله آره سنده کی رقابت و مجادله دوری ، ۸۶۰ دن ۹۱۰ سنه سنه قدر .

۵ — آنادولونک صفوی ، عثمانلی و ذولقادرلی عائله لری آره سنده انقسامی دوره سی . ۹۱۰ دن ۹۲۱ سنه سنه قدر .

آل عثمانیه دوری . — بواوزون دوره یاوز سلطان سلیمک چالدران ظفرینی قازانه رق شرقی آنادولوی ، و ذولقادرلی امارتی لغو ایله جنوبی آنادولوی ضبط ایتدیکی تاریخندن .

یعنی ۹۲۱ سنه سندن عثمانی خاندانك سقوطی و آنقره مرکز اولق اوزره آنادولو حكومت جمهوریه‌سك تاسی تاریخچه یعنی ۱۳۳۸ سنه هجریه سنه قدر دوام ایدر . ۴۱۷ سنه امتداد ایدن بو دور تاریخی نك باشلیجه اوصافی واك بارز خطوطی چیزه لم :

عثمان اوغوللری دیگر آنادولوطوائف ملوکی کی یکی تأسس ایتش برسیته یی ، بروسه یی مرکز اتحاد ایتشلر و سیته نك نفوذینی یاواش یاواش اطرافه تعمیمه چالشمش لردی . عثمان اوغوللری ده ، دیگر آنادولو ملکلری کی برتورکمن اولوسنك رئیس و بالطبع اوغوز خان نسلنه منسوب ایدیلر .

آنادولوده متعدد سیته لر تشکل ایتدیکی و بونلر عینی شرائط آلتنده — تورکمن کوچه لرك یایلاردن شهرلره اینسی صورتیه — وجوده کلدیکی ، تورکمن بکلرینك سیته رئیس یعنی ملک اولدقلری بودورده بروسه ملکی اولان عثمان اوغوللری نیچون دیگرلرینه تفوق ایتدیلر ؟

بونك سبی ایکی در : ۱ — عثمان اوغوللری دار حربیه یاقین اولق دولایسیله کافرلره مجادله ایتشلر ، برطرفدن کشور آچهرق ، دیگر طرفدن نشر دین ایدرك شهرت قازانمشلر و آنادولوده پك چوق طرفدار تامین ایتشلردر .

۲ — فتوحات نتیجه سنده ثروت و غنیمت قازانمشلر و بوسایه ده دیگرلرین داهاجوق عسکر چقارمشلر و عینی زمانده خرسیتیانلره دائمی حال حریده اولدقلری ایچون وسائط مادییه پك فضله اهمیت ویرمشلر ، آوروپانك بتون آلات وادواتی آلمای اهامال ایتمه مشلردر . عثمان اوغوللری طوبیه قدر بتون روم ایلی بی برحله ده آلدقلری حالده اصل مملکتلری بوگونکی قوجه ایلی ، بروسه ، بولی ، قره سی ، چناق قلعه آنقره سنجاقلرینی احتوا ایتکده ایدی . دولتک اداره سی هر بری بز بویك بکی ، برعشیرتک رئیس اولان آنادولو اصیلزاده لرینه ، اوغوز بگزاده لرینه محول ایدی . مسند وزارت ، بکلر بکلک ، بتون والیکلر بونلره محول ایدی . یکی آچیلان روم ایلی قطعه سی اورنوس ، فیروز ، منت ، براق ، سنان ، پشایکیت بکلر کی حوالی مذکورده نك فاتحی اولان آنادولو بکلری آره سنده بابادن اولاده انتقال ایتک اوزره تقسیم ایدلمشدی . عثمانی خاندانه منسوب اولان پادشاهلر بو بکلرک رئیس ایدی . آنادولوده کی دیگر حکومتلرک اداره سی ده عینی طرزده ایدی . حکمدارلر دائما آبا عن جد سلاح آرقداشی اولان بکلره مشترکاً اداره امور ایدرلر ، اونلره تحکم ایده مزلر ، تولدوره مزلردی .

عثمان اوغوللری یاواش یاواش غربی آنادولویه حاکم اولدیلر و نهایت استانبولی ضبط ایتدیلر .

فاتح ، استانبولی آلدیقدن صوگرا امور اداره‌ده مهم تبدلار حصوله کلدی . چندره‌لی خاندانی وزارتدن قوغولدی وخرستیان دونه‌سی اولان بر قول بو مقامه کتیرلدی یاواش یاواش تورک بکلری آباء واجدادلرندن توارث ایلدکلری منصلردن قوغولمیه ، وموقعلری پادشاهلرک کوله‌لرینه ترک ائتمیه باشلادیلر .

استانبولی فتح ایدرک آنادولویه ربط ایدن فاتح ، بو موفقیتیه نه قدر بیوش ایسه تورک اصول اداره‌سی بوزمایه باشلامش ، و ممالک مفتوحه اهاالیسه و بالخاصه کوله‌لره حقوق سیاسیه بخش ایش اولق اعتباریه او قدرده کوچولمشر . فاتح ، استانبولی فتح ایدکدن صوگرا ، آنادولو بکلریه مشترکاً دولتی اداره ایدن بر ملت رئیس ، بر تورک خاقانی دکلر ؛ بلاقید و شرط بوتون قوتلری نفسنده جمع ایدن ، یالکنز باشنه سلطنتی اداره ایلان مستبد بر روما ایمپراطوریدر . ایلك اول استبدادی ومطلقیتی تأسیس ایدن فاتح ؛ تورکک کوله‌لرینی تورک ایله بر طوتارکن موقع امارته کندی شخصه داها فضله صادق اولانلری ، هر درلو امرینه بلاقید و شرط سرفرو ایدنلری کتیرمشدی . بونلر آنجق کوله ودوشیرمه واجبی مقوله‌سی انسانلر اولاییلرلدی .

بو دوشیرمه‌لر موقع اقتداره کلیرکلر تورک عنصرینی ، آنادولو خلقنی ازمیه دولت مؤسسه‌سه حاکم اوله‌رق عادتاً کندیلرینی مسلمان ایدن ملتنن انتقام آلمایه باشلادیلر . صدر اعظم روم محمد پاشانک قونیه ملحقاننده یاپدینی مظالم ، آنادولونک مغول استیلاسه معروض قالدینی زمانلری خاطراته‌جق بر خونخوارلق ایدی .

فاتحن سلیمان قانونیه قدر اولان دوره‌ده پادشاهلر علی الاکثر کوله‌لی ، آره صیراده تورک بکلرینی استخدام ایتشلردر . فقط آرتق پادشاهلر قادر مطلق اولمشلر ، امرا برر اوشاق وضعیتنه دوشمشلردی .

فاتح آنادولو اتحادینی وجوده کتیرمک ایچون بک خوق چالشدی ایسه‌ده یالکنز قرامان اوغوللریله جاندار اوغوللرینک حکومتیه نهایت ویرمکدن باشقه برشی یاپه‌مدی . یاووز سلطان سلیم بو اتحادی وجوده کتیردی . بوتون شرقی وجنوبی آنادولوی ضبط ایدرک آل سلجوق دورنده‌کی وحدتی یکیدن تأسیس ایلدی .

آنادولو اتحادی وجوده کلدکدن صوگرا تارخیمزک آل عثمان دوره‌سی باشلار دیمشدک : بودورک برنجی وصفی استیلا وفتوحات دوره‌سی اوله‌سیدر ؛ بودوره‌ده صیراسیله سوریه ، مصر ، عربستان ، مجازستان ، عراق ، مغرب ونهایت قافقاسیه و دشت قیجاق فتح ایدلش و (آنادولو ایمپراطورلنی) روما ایمپراطورلنی درجه‌سند بر توسعه نائل اولمشدر . بو

ئىستانلىك كى بارزى اىكى قەھرىمانى واردر : سلىم اول ، سلىمان قانۇنى .
سلىمان قانۇنى دن اعتباراً — او زمانه قدر آردهده صيراده لطفاً مسند صدارته وامارتە
كتيريلان — تورك رجال وامراسى برداها كوريه مز . دولت تماميله باشندن نهايته قدر
مهتديار وقاپو قوللىرى طرفندن اداره ايدىلىشدر .

او زمانه قادار پادشاهلار على الاكثر مسلمان حكمدارلردن قىز آليرلر كن ، كريمه
وهمشيرەلر يى اسلام وتورك خاندانلر يىنه منسوب پرنسزە ترويج ايدرلر كن آرتق بواصيل
عادتى ده ترك ايتديلر . قىزلىرى وقىز قارداشلىرى كندى كولهلر يىنه ، جلادلر يىنه ، دوشيرمه
چوجقلىرىنه ويرەجك قدر باياغىلاشديلر . او زمانه قدر پادشاهلر اكثريتە كرمانلى ،
ذوالقادرلى ، جاندارلى خاندانلر يىنه منسوب پرنسزىلرە ازدواج ايدرلر كن بوندن صوكرا
سراى اسير جاريەلرە دولدى . بوتون قوت وقدرتى نفسنده جمع ايدن پادشاهلر بوجاريەلر
النده برر اويونچاق اولديلر . طيشايدن قىو قوللىرى ، ايجزیدن جاريە بوزونتوسى اولان
والده سلطانلر مملكتى اداره باشلاديلر .

بوتون ايمپراطورلنك فاتحى اولان تورك ، دولت قابوسندن اوزاق قالدى . آنادولو ؛
ايمپراطورلنك آنا وطنى اولدىنى حالده مستملكه معامله سى كورمكه باشلايدى ؛ سرايك
وكولهلر ك احتراض واذواق ايجون قان وجان ويركىسى وىرن بر مستعمره اولدى .

دولتك يىناجى اللره كچديكنى كورن آنادولو اهالىسى آرەسندە نفرت وغيظ وجودە
كلسى بك طيبى ايدى . بوغيظ ؛ سياسى ودينى حركتلر خالنده تظاهره باشلايدى .
سلىمان قانۇنى زماننده آنادولودە بويوك عصيانلر وقوعە كلدى

مملكتك حكومته قارشى بويدينى نفرتى بك ابي حس ايدن ، بويە عصيانلر ك دائماً
آزدى آرقەسى كسيلمەجكى آكلايان دوشيرمەلر بوكا مانع اولق ايجون يكانە بر تدبير
بولديلر : آنادولو توركى اوتەيه برى يە قوشدیره رق ، كافر محاربه سيله مشغول ايدەرك
صوصدرمق !

بعض كيمسەلر ، طونه نهرينه قدر روم ايلي نك ضبطدن صوكرا بونكە اكتفا
ايدلسى ايجاب ايدر كن ، بالعكس محارستانك ضبط ايدلىكى و ايمپراطورلنك اداره
ايدىلەمەجك درجەده بيويديكى و بونك دولە بك بويوك ضررلر ويرديكى سويلەرك
اسكى پادشاهلرى تحظه ايدرلر . بوتحظه دوغرو اولمقلە برابر شونى بيلنلى زكە متمادى
سفرلر برغزا املندن زياده آنادولوى خارجە مشغول ايلك ، دولە قارشى اولنك حق
حاكيتى استرداد ضمننده يابهجنى اختلال حركتلىرى دوردورمق مقصديله تكرار ايدىلىشدر .

فی الحقیقه سفر لر و حرب لر دوام ایتدیکی مدتیجه آنادولوده داخلی اختلال جریکترلی دورمشدر .

اوچنجی مراد ، اوچنجی محمد و برنجی احمد دورلرنده آنادولوده بویوک اختلال فورطنه لری باش کوستردی . بواختلاللرده عینی سبیدن دوغوزدی . رؤسای اختلال آنادولونک الک اسکلی بک زاده لری و خان زاده لری ایدیلر . بونلر کوله یی و بیانیجی دولتک امور اداره سندن قوغغه چالیشورلردی . برچوقلری آل عثمانک آنادولوده کی حاکمیتنی قالدیرمشلر ، اعلان سلطنت ایلشردی .

اساساً آنادولونک اصل مرد ، تربیه سندن اوزاقلاشمش ، آنادولوتورکنک یوکساک سجه سنی غائب ایتش اولان عثمانلی خاندانی بوحرکت قارشیننده بوسوتون ملتک علینه چالیشدی ؛ بوشاغنه ، آرانوودینه ، خرواته و الحاصل روم واسلاو مهتدیلره استاد ایتدی . خروات قیوجی مراد پاشایی آنادولویه کوندره رک بیکرله بهادر تورکک تولدیرلسنه سبب اولدی .

معافیله بوتل غامینه آنادولوی قورقوتما دی .

دولتک اداره سی قیو قولنه کچدکن صوکر ، یکچیری دوشیرمه لری ، مرکز دولته ودولایسیله بوتون ایمراطورلنه حاکم اولدیلر . یکچیریلرک سلیمان قانونی زماننده کی مقداری سکنز بیکی موظف و اوچ بیکی عجمی اوغلانی اولق اوزره اون بریک کشیه بالغ ایدی . ایمراطورلنک برقاچ یوز بیکه بالغ محتشم اردوسی ایسه هپ تورک عنصرینه منسوب ایدی . بویوک اردونک الک مهم قییمی تورک اولان تیمارلی سپاهیلر تشکیل ایدیوردی . بوتون فتوحات بونلر طرفندن یاییلمش ، بوتون ظفرلر اونلر طرفندن قازانیلمشدی . دوشیرمه لر ، تورکلری موقع وزرات و امارتدن اوزاقلاشدیردقدن صوکر استنادگاهلری و کندیلرینک منشای اولان یکچیری اوجاغنی تقویه ، افرادینی تکثیره باشلادیلر . یکچیریلر تکثر ایتدکجه سپاهیلرک منحل تیمارلری اونلرک علوفه سنی تأمین ایتک اوزره صرف ایدلر . سپاهیلر آزاله یه باشلادی ، کوله چوغالدکجه چوغالدی و نهایت ایمراطورلنک هرطرفی بونلرک اله کچدی . تورکلردن ترکب ایدن اردو آزالدکجه ، وانتظامسبز دوشیرمه عسکری چوغالدکجه انهمزاملر باش کوستردی ؛ تورک عنصرینک بوقادار عصرلر طرفنده قان دوکدرک ضبط ایتش اولدقلری مملکتلر برر بر ضایع اولدی .

مکرمین خلیل